

- Тыа хаһаайыстыбата -

Үлэнэн тулатын тупсарар

Бу күнүргэ тыа сир хоһууннара үүнэр сылга т/х салаатыгар уруккутабар таһы-бааччы үбүлээһин көрүллэр буолбуттун сүргэлэрэ көтөбүлүннэ. Мэктиэтигэр, аамдаам тымныылаах ахсынны ый аргырын дьыбарды тустан, силлиэли сырсан кыстыгы этэнгэ туоруур туһуттан биллэ да суох чинчилээхтэр. Оттон Хатын Сыйыны олохтоохторо оройуон ветеринарнай сулууспатын 100 сыллаах үбүлүүгүтэр ытыллыбыт күрэххэ кинилэр уоллара "Сыл бастың специалиһа" аакка тиксикититтэн аны сайын күөххэ бигэтик үктэнэргэ эрэллэрэ өссө күүһүрдэ. Түгэни мүччү туппатым - кыайы көтөлөөх Таркаайтаагы ветучаастак сэбиэдиссэйэ Игнат Владимирович Андреевкэ тийэн ирэхоро сээрэгэнэн олус дуоһуйдум, ол быһыгар бэйэбин буруйдана түһэн ыллым.

Тоҕо?

Кистэммэт, сорохтор тыа хаһаайыстыбатыгар төһө да миллиарды укпуккут иһин чэчири сайдара саарбах дииллэрин эт кулгаах чэрдйиэр диэри истэн кэлибит. Аны туран тыл элэйиэр диэри кинилэр араас биричинэлэри ааттыылар, ологтон сүрүнэ сүөһү-сылгы көрөөччүнэн аҕам саастаах кырдыбаастар хааллылар диэн. Статистика дааннайа илинбэр суоһунан мань эридьиэстиртэн туттунуом, ити да буоллар бу этии син оруннаах. Күөгэйэр күннэригэр сылдыар эдэрэр хоробор муосттаахтары, сыспай сизлээхтэри хотон-сыһы мугунан ииттэллэрэ элбэбэ суоһун биллэргэ тийиһиллэр.

Сүөм түһүмүөххэ. Кэнники кэмгэ араас федеральнай, региональнай бырагыраамалар үлэлээннэр эдэр дьон тыаба талаһылары улаатта, стартаптар о.д.а. көмөлөрүнэн кинилэр хаһаайыстыба тэриниһиллэрэ кэнээтэ. Бэйэлэрэ дохуоттаналарын таһынан тыа сиргэ үлэ миэстэтин таһаараннар олох таһыма үрдүүр, социальнай тынааһын симэлийэр. Хатын Сыйыга хаамар баайдаахтары наар кырдыбаастарга сыһарбыт буоллаһына санаам ветврачтын көпсэтии түмүгэр, уларыйда: орто саастаахтар аһыйаа суохтар эбит, сыһыа эдэрэр киһирэн иһэллэрэ бэлиэтэннэ. Ити маннайгыта.

Иккиһэ. Биниги айылҕа экстремальнай усулбууһатыгар олордорбут да Бүөт Бөтүрүөп сааттан сүөһү-сылгы ииттэн, бурдук-оһуруот үүннэрэн күн бүгүнгэ диэри "чыып-чаап" диэн кэллэхпит, ол курдук мындыр өйдөөхпүт, саарбахтаммат сатабыллаахпыт. Манна мангай Дьокуускайдаагы т/х института, онтон академията, билингитэ агротехнологической университет бэлэмнээбит каадырлара суураллыбат-согуллубат аһара улахан өнгөлөөхтөр.

Баары баарынан этиэм. Олохпун тутула-отуора уларыйтын түмүгэр тыа хаһаайыстыбатын исписэлиһтирин кэрэхсэнэр өрүтэ (престиж) баар-суох икки ардынан буолта мэлдьһилибит. Онон үгүстэр идэлэринэн үлэлээбэкэ атын эйгэбэ бартара, манна хамнас кырата эмиз төһүү күөс буолта. Бүргэни хаһааха хатаабакка Игнат



Владимировичтан тутта ыйыттым: "Тыа сиргэ бэтэринээрэр, зоотехниктар, агрономнар мин көрдөхпүнэ үгүстэрэ саастаахтар, сүүрэ-көтө сылдыар эдэр исписэлиһтир аһыйахтар. Эн 26-лааххын, эйигиниин бүтэрбиттэртэн хас буолангыт идэ-битинэн үлэлиһигити?"

Хоруйу истээт үөрүүбүттэн олбохтон ойон турдум: 32 буолан бүтэрбиттэр, 26-лара тустаах идэлэринэн үлэлиһиллэр эбит, ким да урайар санаата ончу суох. Биһир куурустар сибээстэйһиллэр, үлэ-хамнас туһунан санаа атаһаһаллара эмиз этилиннэ, агротехнологической университет айартутар ыра лаппа кэнни турарыттан үөрэх кыһатынан киэн туттунуу сылаас тына илгийдэ.

Аны ветврач санаатын истиэххэ эрэ. Кини толкуйунан ааспыт кэмнэргэ тыа хаһаайыстыбатын эдэр исписэлиһтиригэр өйөбүл баар буоллаһына бүгүнгү күнгэ кини туманныы көппүт, онон били подьемнай, хамнаска эбии төлөбүр эгин диэннэр сүппүттэр. Өскө эмчиттэргэ, үөрэх үлэһиттэригэр анал бырагыраамалар баар эбит буоллаһтарына бэтэринээрэр, зоотехниктарга, агрономнарга о.д.а. оннук өйөбүллэр суохтарыттан көх-нэм түһүүтүн төрүөтэ буолуон сөп. Мань истээт да мин хараһым аһылынна, этиини сөптөөбүнэн аахтым - миллиардынан үп үчүгэй, ол тынан баран сириигэ барбыт социализмга "Кадрь решають все" диэн баар буолан чыпчаалга дабайа сырыттаһпыт.

Холумтан сылааһа куустээх

Бүгүнгү сайдыылаах олоххо ыччаттарга аартыктар ааннара аһааһтар, идэ арааһа



байбал, "тос" курдук хамнастаах промышленник, айгишник о.д.а. буоларга сыал уонна дьулуур эрэ наада. Оттон Игнат Владимировичтаах сыгыныах оҕо сааһыттан сыччаа илии үлэтин өрө туппут уратылаах эбит. Дьиз ис-тас үлэтигэр кини ордук сүөһү көрүүтүгэр сыстаһаһынан уон сааһыттан билибит - уоннаах уол ынахтары ыан үрүң илгэни үрүйэли сүүрдэринэн тыл төбөтүгэр сылдыбыт. Хоһуун куоппат хоһууннара ийэлээх-аҕата Светлана, Владимир Андреевтар бааһынай хаһаайыстыбаларыгар көмө киһилээх буоланнар үрдэлтэн үрдэли ылаллара. Үлэни өрө туппут төрөппүттэр холобурдара оҕо бэриллэн Игнат аны оскуолаба үөрэнэ сылдыан кууруссалары иитэр, сымыыт атыылаан инкубатор ылар, билингэ диэри ити дьарык үрүлүйэ турар. Аны туран уол абабата оройуон т/х сайдыытыгар кылааты киллэрбит үтүөлээх үлэһит Николай Иванович Андреев туйах хатарар ыччат буолсун дьон санааттан кроликтары бэлэхтээбитэ билингэ диэри ууһу-үөскүү сылдыаллар.

Игнат Владимирович үөрэбин кыһыл дипломнаах бүтэрэр. Туйгун устудьуоннарга бэрилэр стипендиятынан икки козаны атыылаһар, билигин ол баайдара түөртэр. Андреевтар хаһаайыстыбаларыгар 16 төбө сүөһүлээхтэр, 20-чэ сыгылаахтар, кинилэргэ кууруссалары, кроликтары, козалары эптэххэ түбүк-садык "целый вагон и полная тележка".

Игнат ымыы онгостубут санаата ветврач буолуу эбит, онтун толордоҕо уонна тустаах үлэтин мэктиэтигэр, бырааһынныкка холуур. Эмчит хаһан баһарар эмчит диэ-битти биһир түгэни кэпсээн чингэтэн биэ-

риэм. Арай бэс ыйын саңатыгар нэһилиэккэ хантан кэлтэ билибэт тулааһа кулунчук быһыанар сир көрдөөн кэлбит, дьудьэ-йэн-дьюкээрэн анараа барара чугаһабыт эбит. Дьолго кини Игнат хараһын далыгар киһирбит, ветврач көрөн-истэн, аһатан-сиэтэн билигин кини быһа этиллибэт буола тупсубут-уойбут. Улаан диэн ааттаммыт. Буолумуна, ынах-коза ингэмтэлээх үттэрэ, эбиэс бурдук ханан барыахтарай, онон кулунчук билингэтэ эрэллээх илиигэ баар.

Эдэр киһи идэтин таларыгар дьиз кэргэн модела, сахалыта холумтан сылааһа улахан оруолааһын сүүс бырыһантан таһса итэбэйдибит.

Ахсынныттан расада үлэти

Игнат Владимировичка саас сандааран кэллэ да "норуот ыллыга" тыргыллар. Тоҕо диэ? Кини биһир сөбүлүүр дьарыга оһуруот астарын, сибэккилэри үүннэри буолар, оттон кини расадалара былдыаһыктар. Оһурусуу, помидор, кабачок о.д.а. расадалар баай хоһууру биэрэллэринэн кэпсээн-нэ киһиртэрэ. Оттон сибэккилэр өнгөрө сиздэрэһинэн, өр туралларынан хоһоонго холбоспугтара. Эустома диэн 5-6 ыйынан сибэккилир роза биһин ууһугар сакаас кырыа кыһытан саһалаан киһирэр. Расадаларга үлэ субу саһаланар, оттон муус устарга теплица оттулар, Игнат ветврач бу кэмнэргэ уоппукатын ылар.

Ветучаастак түбүктэрэ

Хатын Сыйыга Киһирэптин холбоон 740 төбө сүөһү, биһир оччо сыгы учуоттанар, кэтэхтэри кытта 8 тэриллиһилээх хаһаайыстыбалардыын. Онон сэрэтэр-эмтиир үлэлэр аһыйаа суохтар, үчүгэйэ дьон вакцинацияба график болдоһор толоруларын таһынан лептоспироз, эмкар эгин дьон ыарыһалар суохтар. Ыттар-куоскалар кытаанах учуокка сылдыаллар, эмиз эмтэнини аһаллар.

Былааннаах үлэ кэмигэр ытыллан ветучаастакка үөһэ салалтаттан кытаанах тыл-өс ончу киһирбэт. Тэрилтэ салыааччыта мань тустаах үлэһиттэрин кытта ситимниир. Ол курдук М.И. Иванова, П.А. Семенова, Э.А. Иванова уонна И.Ю. Николаева үлэбэ эпизитинэстэрэ үгүстүк ахтылынна. "Хатын Сыйы ветеринардара ааспыт кэм мындааларыгар да инники күөнгэ сылдыбытыра, номоһо киһиртэрэ. Ким Сергеевич Васильев, Алиса Михайловна Иннокентьева, Марина Ивановна Диряхова, Варвара Николаевна Николаева, Вера Васильевна Бельх, Елена Николаевна Николаева курдук бэтэрээн дьоннордоох буоларбыт эбээһинэс сүктэрэр дии саныбын. Кинилэр үтө тыллара, сүөгэй сүмэлээх сүбэлэрэ биһиэхэ көмө күөс буолар. Оттон мин курэххэ кыайыым биниги барыбыт киэнэ, кинилэргэ барба махтал!" - диэн кэскиллээх эдэр үлэһитини кэпсэтинни түмүктөм.

Афанасий ИВАНОВ.

"Бастың ветеринарнай специалиһ" күрэх



Сэттинни 26 күнүгэр Ньурба улуһун ветеринарнай сулууспатын 100, чинчийэр лабораториятын 80 сыллаах үбүлүүн чэрчигинэн Гаврил Гаврильевич Дмитриев аатынан "Бастың ветеринарнай специалиһ" күрэх буолан ааста. Бу биһир идэлээхпит Гаврил Гаврильевич Дмитриев аатын сүгэр күрэх 1999 сылтан үгэс быһытынан ытыллар. Күрэх сүрүн сыала-соруга диэн бэтэринээр идэни киэн араҕа сырдатыы, эдэр ыччаты идэбэ ыгырыы, кыттааччы таһымын үрдэтин буолар.



Быйылгы күрэххэ 5 эдэр исписэлиһ кыттыны ыллылар. Күрэх 5 түһүмэхтээн ытылынна. Бэйэни билиһиннэригэр саһалаан, араас ветеринарнай боппуруостарга, хирургической инструментары би-

лигэ тургутууну аастылар. Практической түһүмэх - куосканы аттаһын Ньурба ветучаастаһын эпэрээсэйлиир саалатыгар ытылынна. Аныгы олох ирдэбилиһин, хас биһир кыттааччы үлэтэ видеонан уһул-

лан дьүүлүүр сүбэбэ көрдөрүлүннэ.

Түмүктүүр түһүмэххэ хас биһирди кыттааччы үлэ таһынан дьарыгын-дьюбурун, сатабылын араастаан көрдөрдө. Ким эрэ истэнэрин, бысабайдырын, ыллырын, кыыл-көтөр иитэрин, сибэкки, араас оһуруот аһын үүннэриин дыктистик көрдөрдүлэр. Хас биһирдилэрэ туспа талааннаах буолалларынан сөхтөрдүлэр.

Куонкурус кыайылааһынан - Таркаайы ветеринарнай учаастаһын сэбиэдиссэйэ Андреев Игнатий Владимирович буолла. 2 миэстэ - Ньурба ветучаастаһын бырааһа Никифорова Татьяна Афанасьевна, 3 миэстэ - Чаппанда ветучаастаһын бырааһа Семенова Татьяна Юрьевна.

Куонкурус кыайылааһар И.В. Андреевка аалай лиэнтэни бу иннигэр ытыллыбыт куонкурус кыайылааһа, Маар ветучаастаһын сэбиэдиссэйэ, тыа хаһаайыстыбатын туйгуна Тимофеев Николай Николаевич кэтэргэ, Г.Г. Дмитриев туһунан иһирэх ахтыы онордо.

Гаврил Гаврильевич аймахтары ааттарыттан анал биһирди кыайылааһа үөрүүлээх быһыыга-майгыга эдьийдэрэ А.А. Петрова, педагогической үлэ бэтэрээнэ туттарда. Ону таһынан кыттааччыларга үлэлиир ветеринарнай учаастактары, нэһилиэктэрин дыһалталарын аатыттан эбэрдэлэр этилиннилэр, сэмэй бэлэхтэр туттарылыннылар.

Ветуправление.

- "Оскуола - производство - үрдүк үөрэх" ыччат хамсааһына -

Кэрэкээн кэм сырдык сыдыаайа

Биэс Франция холкудук кириэр иэннээх Сахабыт сириг киэн нэлэмэн хоннобор - быттыгар киһи киэнэ килбиэннээхтэрэ айантуган ааспыттарын, үлэли-хамсыы сылдыалларын аныгы технология үйэлэригэр да олордорбут аабыаха диэтэххэ, уустуктары көрсүөхпүт. Ол курдук элбэхтэр, өссө да үрүлүйэ тураллар, олох оннук абыланнаах. Ити да буоллар кэм кэрдии устан аһар былыкка тэнгээх буолан күлүмнээн ылбыт чабылхай түгэннэр - дьоннор кыымнара уонна төлөннөр ардыгар сөбүрүүн ылаа баар суол. Биллэн турар кинилэри күннэтэ мантра курдук хатылыы сылдыааха дэниллибэт, бүгүнгү балысхан тэтимнэ ол кыаллыбат. Хата, субу сурукка тиһэр матырыяаалым сырдыгы саған ааспыт кэм ааспат амтанын күүскэ биллэрибэ диэн эрэллээхпин.

Үүнэр 2022 сылга өрөспүүбүлүкэбэ "Оскуола - производство - үрдүк үөрэх" диэн эдэр ыччат хамсааһына дирбийэ-дарбийа сылдыбыта 60 сылын туолар. Өскө киһи хомпоруун хотой бэлэтиэх Хангаластартан силес тардыбыт эбит буоллабына күөх Ньурбаа хамсааһын маннайгы араскытын аспыт Марха орто оскуола буолар. Киэн кээлилээх, кэрэ кээкиллээх, уостубат энергиялаах хамсааһыны өйөөн 1962 сыллаабы выпускниктар өрөспүүбүлүкэбэ иккис, оройуонга бастакы буоланнар Үөдэйгэ "Коммунизм суола" холкуоска сүөһү көрүүгүр үлэли тийтэрэ. Бу туһунан убайдаатар убайым Николай Павлов үрдүк тыыннаахтык кэпсээн куппун-сүрбүн уһугуннаран сурукка тиһэргэ олук уурда.

Норуодунай поэт Иван Мигалкин "Отон этим - оҕо этим" диэн баран бэл түлүүгүр кинини ким бүөбөйдээн үүннэрибизин эбэтэр үргүбүтүн, олох диин тутун оччолорго билбэттин хомойой тылын хохуйан турардаах. Бары да маннька майгынанна ылбыт баар суол. Оттон киһи буолан кииллийэн тахсарга оҕо - эдэр саас сылааһынан сылаанньылар, сырдыгынан сабыллар, кэрэни көрөһүлүр кээкиллээх дыкты түгэннэрэ инникини быһаарар оруоллаахтарын улаатан баран өйдүүбүт. Сааһынан истэх айы кирилэр умнулуохтааҕар кустуктуу кууһаллар, ол бириэмэ харааха көстөн кэлэрэ чаастатыйар, сүрэх өрүкүлэр, дууһа иэйэр. Ити 60-с сыллар сангаларыгар оскуола паартаатыттан тураат да харыларын ньыппарынан, бычыннарарын күүрдэн, тулуурдарын-дүүлүрдүрүн түмөн холкуос үлэтигэр миккилибиттэр бары кэриэтэ киһи эрэ кэрэхсиир-сэргиир ситиһиллээх дьонун дьон буолтара.

Онно кэрчик кэм уратыта төрүөт буолта чуолкай, мань туһулаан Николай Еремеевич бу курдук этэр: "Хайа баҕарар омукур кэнчээри ыччата киһи буоларыгар сатабылы инээрэ дьобура, үөрэтэр-такайар ньымата, ыраас сизэрэ-майгыта төһүү угаллар. Оччотугар олох нус-хас салҕанар, отуора хамсаабат, сайдыы салаллар. Мин санаабар биһиги көлүөнэ кээкилин түстүүрүгэр, акылаатын ууларыгар, эдэр ыччат бу хамсааһынын оруола уонна суолтата аһара улахан. Билбэтэх араас ыарахан үлэлэргэ атын дьоннордуун алтыспыппыт, өйбүт-санаабыт биһигэ үлэлээбитэ мунутуур сыаналаах кылаакка тэнгээх. Олох оскуолатын ааспыт сылларбыт күн бүгүнгэ диэри күүс-өйөбүл буоланнар этэнгэ истэхпит". Салгыы аабыаха

Николай Еремеевич ПАВЛОВ - Арктикатаабы агротехнологическай университет профессора, тыа хаһаайсытыбатын доктора, СӨ тыа хаһаайсытыбатын үтүөлээх үлэһитэ, ВАСХНИЛ Бочуоттаах үлэһитэ:

- Саха биһир талба талааннаах суруналыһа, поэт Николай Иванович Харитонов туһунан са-



наатым да эдэр саас күлүмнүүр күннэрэ, күүрүүлээх үлэтэ, үрдүккэ талаһыта уонна балары күөттүүр-тэрийэр оройуон хомсомолун 1 сэкиритээрин умнулуубат уобараһа көстөн кэлэр. Оскуоланы бүтэрэр сылдыгыгар Николай Иванович кэлэн Хангалас Булгуннахтаабын выпускниктара кылааһынан холкуоска үлэли тахсытытарын, онон өрөспүүбүлүкэбэ олус үчүгэй хамсааһын саҕаламмытын кэпсээтэ. Бары кулгаах буолан олорон иһиттибит. Онуоха эбии киһи сайабаһа-элэккэйэ, ураннык чочуллубут тылаөһө уонна тус бэйэтин ис киил сырдыга биһигини абылаата.

Көрсүһүү кэнниттэн Ньурбаалаата, аны туран биһиги романтикалаах социализм оҕолоро буоларбытынан өйбүт-санаабыт Булгуннахтаааха эргиллэр идэлэннэ. Кинилэри сөбөбүт-махтайабыт, ити быһыгар холкуос үлэтигэр баттатан үөрэммэккэ хаалыаха сөп диэн дыксинэн ылабыт. Кэпсэтэр тизмэбит үксэ хамсааһын тула буолла. Сааһыгар Николай Иванович эмиэ кэллэ уонна комсорг буоларын быһытынан бөүмнээн кэпсэтиигэ миэхэ биһир эмэ ыраах отделениега үлэли барыаххытын хайдаҕа буолла диэтэ. Мин оҕолорго эттим, кинилэр ону кэтэспитти "ураа" бөбө буолдулар, кырдыга Хангаластартан туох атыннаахпытый диэбиппит быданнаабыт этэ.

Инньэ гынан "Коммунизм суола" холкуоска Николай Ивановичтыгын кылааһынан баран билсистибит, анараангылар аныгылыы эттэххэ, үрдүк таһымнаах көрсүһүү тэрийдилэр, "кэлээрин, ытыс үрдүгэр түһэрэхпит" диэтилэр. Билигин санаатааха Николай Иванович эдэрлэр максималистарын билэр буолан булгуччу барыахтаахтык диэбэтэх, идея биэрэн баран биһиги өйбүт-санаабыт ситэрин кэтэспит, бу салайааччы биһир сүүйүүлээх өрүтэ.

Саас оскуола дириэктэрэ Никифор Николаевич Григорьев, оҕолор куттарын түптүт учууталарбыт Василий Алексеевич Наумов, Николай Петрович Иннокентьев, Татьяна Ивановна Иванова о.д.а. эбэрлэлэн-алҕаан оскуоланы бүтэттэдилэр. Ити быһыгар аны военкоматтар уолаттары байыаннай-инженернэй институтка күүскэ угуйдулар, бутулла түһэн ылым - сүрэ бэрт буолсу диэн Үөдэйдири булгуруйбат санааланым. Инньэ гынан сүөһү көрүүтүгэр биһиги кылаастан Шура Архипова, Маруся Семёнова, Зоя Иванова, Груня Ефремова уонна Ньурбаттан Вера Иванова, уолаттартан Проня Тихонов, Аркадий Иванов, Иван Иннокентьев, Алексей Хартасов буолан илибитин харалаан бардыбыт. Ферма үлэһиттэрэ туту ийэ-аҕа курдук буоллулар, биригэйдир И.М. Кутанов, И.С. Степанов аттыгытыттан арапаттар, ыйыы-кэрдии, сүбэ-ама хаахан хостонордуу. Уопсай дьибэ-э олордубут, аспыт-үөлбүт нэрээтинэн, туох да улахан кыһалҕа суох. Кырдыга маннай син күчүмэбэйдэр баалара: хаһан ынах



ыахпытый, сүөһүгэ эбиискэ онгоруохпутуй, балбаах бөбөнү таһыахпытый. Сөбөбүн - кыргыттар кыңкыйдылларын биһирдэ да истибэтэбим, эгэ уолаттар буугунуохтара дуо. Барыта үөрүү, көркүлүү аргыстаах бэйэ-бэйэ көмөлөсүһүү, онон сылайары түһэн да көрбөт этибит. "Бары биһир киһи туһугар, биһир киһи барыбыт туһугар" өйдөбүлүнэн сылдыбытыт. Аны туран нэһилиэк общественнай олобор баһылыр-көһүлүүр дьон буоламмыт биһигинэ суох тэрээнин ытыгылыбата, дьон кулууп хайдарынан мустара.

Кырдыбаастар барахсаттар эдэрлэр кэлэн олус сэргэхсийдибит диэн махтаналара сүрэххэ сөнгө сылдыаллар. Сыл табыллан туран дуойардаатым, өссө да буһа-хата сылдыаахпын аармыйаҕа ыллылар, оччолорго да ытык иэһи төлөөһүн чиэс дьыалата буоллаҕа. Оҕолорум өссө биһир сыл үлэлээбиттэрэ, кэлин ким үөрэнэ-үлэли бартара.

Биһиги 1962 с. кылааһынан холкуос ыраах учаастагар үлэли тахсыбыт ыччаттар олоххо уһаарылыбыт мантан саҕаламмыта, үөрэххэ-үлэбэ тардыһыбыт өссө күүһүрбүтэ, норуоттуугар туһаылаахтык дьон өйдөбүл үнүгэһэ "Оскуола - производство - вуз" хамсааһынтан үүммүтэ. Онон бары кэриэтэ үөрэхтэх - идэлээх - исписэлиис буолан билингэ диэри улуустарга, өрөспүүбүлүкэбэ син биллэр, улаханнык убаастаннар дьон ахсааныгар сылдыарбыт үөрүүлээх. Миэхэ төлөннөөх хомсомол үтүө өйдөбүлэ оччотообу Ньурба оройуонун ыччатын салайааччыта Николай Иванович Харитоновы кытта туох да иһин быстыспат ситимнээх.

Вера Семеновна ИВАНОВА - өрөспүүбүлүкэ тыатын хаһаайсытыбатын Бочуоттаах бэтэрээнэ, СӨ ветеринарнай сулууспатын туйгуна:

- Эдэр эрчимнээх эрдэххэ элбэҕи да баҕарбыт эбиппит диэн билигин санаабын сааһылаан чоччулуубун уонна уоскулан ылабын. Төбө диэтэххэ Сэбиэскэй кэм тургутууларын чиэстээхтик аһаммыт дьыл бэтэгэр тахсыы үөрүүтүн толору биллэхпит. Оттон онно биһиги аартыгытын



наатааха дьобус нэһилиэккэ чөл олобу киллэрэ сылдыбыт эбиппит: арыгы иһэр, хаартылыыр дьоннордуун аспаакка-араппакка үлэлирбит. Бэһилэйи этиэм: уолаттар аспытын кыргыттар буһараллар, сылааска атын дьибэттэн сүүрэн киһирэн "аһылыккытыгар тахсын" дииллэрэ. Кыһын кэлиитэ кыргыттарбыт тоңуохтара диэн сүбэлэһэн баран мин кинилэр дьибэлэригэр линия тардан радиосвязь баар буолла, онно кыргыттар үөрбүттэрэ билингэ диэри умнулуубат. Өбүгэлэрбит "Тоо-йуом, киһи буолаар" диэн тыллаахтара, наставник Ааныска миэхэ "эн быраас буол" диэбитин толордум.

Иван Николаевич ИННОКЕНТЬЕВ - РФ үөрэҕириитин туйгуна, СӨ үтүөлээх учуутала, Хорула уонна Таркаайы нэһиликтэрин Бочуоттаах олохтооҕо:

- Социализм чэчири сайдар кэмигэр олорбуһуутунан киэн туттабыт, патриотизм сириэйдийбит кэмэ биһиги олохпугар сырдык суоллары тэлбитэ. Үөдэйгэ үлэлээбит сылым уонна Хорула ыраах учаастагар Наабынга бороон көрбүтүм, хара үлэбэ эриллибитим кэлин үөрэх-билии ыларбар аартык аспыта. Үөрэх - дьон үлэ. Томскайдаагы университетка үлэ хоһууна буоламмын үөрэхпэр да ыараханнары ончу көрсүбэтэбим, производство мускуурун эт бэйэбинэн аһаммын киэн сир дьонун кытта уопсай тылы дөбөннүк буларым, сылы-соругу чоччу туруорарым. Билингэ ыччат эмнэ олус үчүгэй, өссө кэрэтиэйэбин биһир сүрүннүүр, ыччаты соморуулар идея суох дуу дии саныбын. Уопсайынан да национальнай идея диэн баарын суоһун хайдах эрэ үгүстөр билбэт курдукпут, онон эдэрлэри баалаа-баппын. Баҕар бу этиим сыһаалаах буолуо. Ол да буоллар ыччаты соморууларга үлэ-хамнас биһиги кэммитинээбэр уота-күөһэ мөлтөххө дылы.

Үчүгэй да кэпсэтии, дууһам ыллаата. Өйдөөтүм, дьоблоох буолуу сулдугу собуэ эбит, киэн аартык аанын аһарга оччотообу кэм-кэрдии нууччалаатааха "шанс" биэртин чингэттим. Билигин саҕа олох - саҕа ырыалар, кинилэр өссө кэрэлэр, сыччах бэйэбит бириэмэни куоһарарды өркөн-өйбүт өрүкүйөхтэх. Арай кыратык хомойобун - кумаабы хаһыаты ааҕааччылар саастаахтар эрэ хаалыбыт, онон бу матырыяаал эдэрлэр харахтарын далыгар киһирэр дуу, суох дуу.

Кинилэри буруйдаммат, тоҕо диэтэххэ, сонуну-нуоһаһы сайдыылыын дьүөрэлээн эдэрлэр куйаар ситимиттэн ыллалар. Хаһан эрэ ырааха, кэрэбэ, үрдүккэ айан суолугар тахсарга бу кэпсээбит дьоруойдарым аныгы эдэрлэри угууларда буоллар сайдыыбыт өссө сыдыамсыһа этэ, эрэл олус күүстээх - оннук да буолуоҕа.

Афанасий ИВАНОВ. Хаартыскалар Н.Е.Павлов архыбыттан ылылыннар.

- Эн саастылаабын -

"Айаным миэхэ үтүө өрүттэри аҕалма"

Кэнники кэмгэ эти-хааны эрчийэр, сири-дойдуну көрөр сыалтан велосипедынан айаннааһын элбээтэ. Тас дойдолартан тийэ Сахабыт сиригэр тийэ кэлитэлээн аһар буолдулар.

Саха ыччаттара ыраах сирдэринэн тэлэйиэн велосипедынан айанга турунуулар кэнникинэн баар буолла. Бүгүн кэспир дьоруойум Одун Аман Виктор Уола Ньурбаттан төрүттээх, Дьокуускай куоракка олорор.

Бастаан куйаар ситим нөҕүө билсиппигэр сахалы аатыгар тохтоон ыйыталаспынар бу курдук эппиэттээтэ:

- Билигин саха сахаттан тобо сахалы ааттааххын диэн ыйытар кэмгэ олоробут. Мин тус бэйэм омок быһыгынан сахалы ааты ыйыттаахпыт дии санааттан ыйыммытым. Атын сирдэргэ бэйэбин сахалы ааккынан билининнэри ордук бөбө буолла дии.

Мин Ньурбатаабы техникэскэй лиссиэйи бүтэрбитим. Дьокуускайдаабы ХИФУ-ы бүтэрэн, геофизик идэтин ыйытым, - диэн бэйэтин билининнэрдэ.

- **Ылым илэбинэн үлэлиэбитин дуо?**

- Үөрэммит идэбинэн "Якутскеология" үлэлиэбитим.

- **Аман, туох санааттан велосипедынан айанга турунуугу? Мин билэбин биһир саха ыччата Москвага тилир колонна айаннаабыта, ол айаны Кыайы күнүгэр элэтиэр анаабыт этэ. Оттон Эн туохха сорук туруоруммукуй?**

- 2019 сэл санаттыттан Софруу-Илинги Азия дойдоларынан балтараа сэл кэрингэ олорон кэтиэн кэрийбитим. 2021 сэл муус устар ыйыгар, Саха Өрөспүүбүлүкэтин күнүгэр "Тропа Тенгри" велосипедынан айаны толкуйдаан айанныбын. Дьокуускай, Чита, Улан-Удэ, Иркутскай, Красноярскай, Абакан, Кызыл, Горнай Алтай, түмүгэр Казахстанга Шымгенынан айаным түмүктэммитэ. Атын омок олобун билсэр биһир ураты дьарык буолла дии. Айанныр кэммэр элбэх үтүө сүрэхтээх, амарах дууһалаах дьон-



нор мин санаабын бөбүгөппүтүтэрэ, мин бу суолу талбытым миэхэ үтүөнү эрэ аҕалар, элбэххэ үөрэтэр. Атын дойду олобун үөрэтэн бэйэбин ордук үчүгүйдик билэр буолабын. Бу маньык айан киһиэхэ тулууру, дьулууру, спорт өтүтүнэн сайдыыны уонна атын култуураны үөрэтти барыта холбоон өйгүн-санаабын сайыннарар, билиин хангыр.

- **Уһун, ыраах сирдэринэн тэлэйиэ сылдьан ордук тугу өйдөөн хаалык?**

- Элбэх түгэннэри өйдөөн хаалбыттан кэрэ айылҕаны,

атын култууралаах омукар ылыммысактарын чорботуом этэ.

- **Аман, айанныргыт таһынан туох дьарыктааххыны?**

- Спортивнай саалаларга сылдьан эппин-хааммын эрчийэбин, атын омок култууратын үөрэтэбин. Эһиил саас эмиэ айанга турунуом, - диэн кэпсээнин түмүктээтэ.

Оттон биһиги, биһир дойдулаахтара, Аманга ыйыммыт соруга туоларыгар, айана ситиһилээх буоларыгар баҕара хаалабыт.

Антонина СЕМЕНОВА.

- Редакция почтата -

Пааркаҕа истинг көрсүһүү



Бу күннүргэ дойдубутугар Ньурбаҕа баран кэлибит. Хамсык ыары ирдэбиллэрин тутуһан ханна да сылда сатаабатыт. Ити эрээри Ньурбабыт сонуннарын истэ-билэ олордубут. Саҥа тутуулар тутулла, араас тэрээһиннэр ыйылла тураллара киһини үөрдөр. Манна да, ханна буоларын курдук эрчимнээх эдэр ыччат тэтимнээхтик, далааһынаахтык куораттарын тупсар тутуһар куорат дьаһалтатыгар кынат буолан кэскиллээх былааннарга көхтөөхтүк кытталарын бэлиэтибит.

Бу да сырыбытыгар биһиги кэлэ сылдьарбытын истэннэр бэйэлэрин баҕаларынан ыгыран паарканы массыынанан тийэ сылдьан көрдөрдүлөр, кэпсээтилэр. Сып-сырдык кинг саалалаах кафеҕа ыгыран остуол тула олорон чэй иһэ-иһэ истинник кэпсэтилэр, ыччаттар үлэлэрин былааннарын иһитиннэрдилэр. Манна быраастар, артыыстар, учууталлар о.д.а. идэлээх ыччат-

тар кэлбиттэр. Бары даҕаны сайдыы, кэскил туһугар өйдөрүн-санааларын ууран, ис сүрэхтэриттэн бэринилээхтик үлэлиллэрин сөбүлүү иһиттибит, астыныбыт.

Биһиги бэйэбит олохпутун билиһиннэрдик. Төһө даҕаны кылгас көрсүһүү буоллар элбэҕи иһиттибит. Евдокия Егоровна биһикки төһө да сааһырдыбыт олохпут устата тугу ситисиппитин, туох кэскиллээҕи онорон, айан кэчээрлэбитигэр хааларбыппыт туһунан кэпсээминтин ыччаттар сэнээрэн иһиттилэр. Икки өттүттэн сылаас көрсүһүү, инникигэ эрэли, сырдыгы, үтүөнү баҕарыны, кэлэр да өттүгэр маньык көрсүһүү баҕардылар. Ньурба тэбэр сүрүбэ, өйүн күүһэ, биһэ тирэбэ кини ыччата буоларын итэбэти.

Махтал буолун Ньурбабыт эдэр, тэтимнээх ыччаттарыгар. Бу курдук айымньылаахтык айа-тута сылдьын.

Евдокия, Владимир ЛИТВИНОВТАР.

Маалыкайга дьикти түгэн



Ахсынньы 2 күнүгэр Маалыкайга Марха өрүскэ ойбон таһыгар хопто булуллубутун туһунан хаартыскалардаах дьикти сонун социальнай ситимнэри тилийэ көттө. Аам-даам тымнытынан аатыгар ахсынньы ыйыгар, чаччы даҕаны, киһи итэбэйиэ суоҕун курдук эриэкээс түгэн табыста. Бордон нэһилиэтин баһылыга Леонид Ушкановтан туоһулаһан, хоптону булбут Маалыкай олохтооҕо, ОдьКХ үлэһитэ, 1967 с. т. Николай Николаевка эрийэн кэпсэттим.

"Мин хос үлэм быһытынан нэһилиэккэ ойбоньуппун, - диир Николай Николаевич. - Сарсыарда 8 ч. саҥана бастакы ойбонмун тэһэн баран, иккис ойбонго тийиэн эрдэхпинэ, мөлдө миигин батыһан кутурук маһа буолар ытым төттөрү чугуйда. Соһуйдум, туохтан куттанна, туох куттас ытай диэммин. Борунуйга үчүгүйдик кестүбэт, бырабыллыбыт таҥас сытар дуу, онтон тобо куттанна дии санаатым. Чугаһан ыкса кэлбитим - тыннаах хопто эбит! Бачча тымныыга бачча өр ханна сылдаахтаабыта буолла. Улаханьык соһуйдум. Саба харбаан ыллым. Ити икки ардыгар

араас санаалар элгэннэн аастылар. Куоракка баран сөмөлүөтүнэн ытан, салгы сылаас килимэттээх дойдуга ыһыт киһи өрүһүйүө этэ диэммин. Онтон оскуолаҕа туттарар ордук, "тыннаах мундук" энгин тэрийиэхтэрэ, көрүүгэ-истингэ сылдьаҕа диэн санааттан, баран оскуолаҕа туттардым".

Ньурбатаабы сударыстыбаннай экологическай надзор комитэтин салайааччыта Герасим Парников бу көтөр хотугу полярнай хопто, ол эбэтэр "Бургомистр" диэн көтөр оҕото буоларын эттэ. "Бордон нэһилиэтин дьаһалтатын кытта кэпсэтибит, бэтэринээр көрдөрүөхтэрэ, барыллаан кэпсэтинэн "Орто дойду" зоопаркаҕа ытарга быһаардыбыт, - диэтэ Герасим Петрович.

Геннадий АНТОНОВ.

Редакцияттан: Нэдиэлэ саҕаланыта хоптону "Орто дойду" зоопаркаҕа илбэи туттардылар.

- Оскуола -

Бастакы чемпионат



хэ-производстваҕа дириэктэри солбуйаачыта Кучуров Н.Е., "Ньурба киһээһэнни оскуолатын" дириэктэрэ Кузьмина М.Г. үлэлиэтэр.

Күрэх кыттааччыларыгар С.Н. Донской-II аатынан Үөрэби сайыннарар уонна идэни үрдэтэр институт дириэктэрин маннайгы солбуйааччыта, философскай наука кандидата Бугаев Н.И. маастар кылаас уонна идэни үрдэтэр курс ыйытта.

Күрэх түмүгүнэн чемпион аатын уонна көһө сылдьар "ВИРУК 2021" кубогы ылла Сунтаар улуунун хамаандата "GUMSUNTAR", II-с миэстэ "Молодые-молдым" (Ньурба), III-с миэстэ "ИСТИНА" (Ньурба). Анал ааттары "Бастың интернет ресурс" - "ИСТИНА" (Ньурба), "Бастың үөрэҕири бырайыага" - "Молния" (Бүлүү), "Бастың кылаас чааһа" -

"GUMSUNTAR" (Сунтаар), "Бастың маастар кылаас" - ВUГteam (Горный), "Кыайыыга дулуһуу" - Бүлүү "Виллой PRO", УК "Молодые-молдым", "Бастың инновационнай опыт" ыллылар.

Хамаанданан күрэх кыттылаахтара атын улуус оскуолалары учууталларын кытары алтыһан, хардарыта сибээстэһэн, саныы-сонуну бэйэ-бэйэлэриттэн үөрэннилэр уонна оупуттарын атастастылар. Идэни үрдэтиигэ практикаһын үлэтэ учууталлар инники үлэлэригэр хардыы, төһүү күүс буолар.

Бары кыттааччылары ситиһилэринэн эбэрдэлибит!

Ньурба оройуонун Үөрэҕири управлениетын, уопсай үөрэхтэһини отделин сүрүнүүр исписэлиһэ ФЕДОРОВА М.А.

С.Н. Донской-II аатынан Үөрэби сайыннарар уонна идэни үрдэтэр институт уонна Ньурба улуунун үөрэҕириин салалтата ахсынньы 5-6 күннэригэр Бүлүү бөлөх уонна Горнай улуунун учууталларын холбоһуктаах хамаандаларын маннайгы чемпионатын "ВИРУК 2021" "Саҥа үрдэл - саҥа хаачыстыба" девизтээх тэрийиэн ыйытта. Бүлүү бөлөххө иккинин ыйытыллыбыт "Образование-драйвер развития" үөрэҕири форумун концепциятын чэрчитинэн бу чемпионат ыйытылына. Чемпионат арыллытыгар Габышева Ф.В., Ил Түмэн бастайааннай комитэтин бэрэссэдээтэлэ эбэрдэ тылын эппитэ олус кэрэхсэбиллээх, инники тосхолу ыйда.

Күрэххэ барыта 30 кыттааччы: Бүлүү, Үөһээ-Бүлүү, Сунтаар, Горнай уонна Ньурба хамаандалара кыттыны ыллылар. Күрэх үс күн устата биэс түһүмэҕинэн буолла: "Педагогическай түмсүү" сайтын арыллыы, "Бэйэни билиһиннэри", "Кылаас чааһа", "Үөрэҕири бырайыага" уонна педагогическай СТИЭМ (маастар кылаас).

Дьүүлүүр сүбэҕэ С.Н. Донской-II аатынан Үөрэби сайыннарар уонна идэни үрдэтэр институт дириэктэрин маннайгы солбуйааччыта, философскай наука кандидата Бугаев Н.И., М.В. Мегежескай аатынан Маалыкай орто оскуолатын дириэктэрэ, РФ президиэтин гранын "Россия бастың учууталлара" кыайылааҕа Ушканов Ф.Ф., Сунтаар улуунун "П.Х. Староватов аатынан Элгэи орто оскуолатын" иитэр үлэҕэ дириэктэри солбуйааччыта Сафонов В.К., А.Н.Чусовской аатынан Ньурба техникэскэй лицей үөрэх-

- Исписэлиис сүбэтэ -

Хаһаайыстыбаннай кинигэлэри электроннай көрүнгө көһөрүү

Саха Өрөспүүбүлүкэтигэр тыа хаһаайыстыбатын сайдыытын стратегическай хайысхаларын туһунан" 232 №-дээх (2018 с.) СӨ Аҕа баһылыгын Ыйааҕар сөп түбэһиннэрэн, олохтоох бэйэни салайыны уорганнара онгорор хаһаайыстыбаннай кинигэлэрин электроннай көрүнгө көһөрүү 2022 сыл тохсунньу 1 күнүгэр диэри кириэхтээх диин былаанга кириэн турар.

Хаһаайыстыбаннай кинигэлэри электроннай көрүнгө көһөрүүгө методическай сүбэлэри Тыа хаһаайыстыбатын министиэристибэтэ онгорон, быйыл Бырабыталыстыба биһирэбилин ылбыта.

Чааһынай дьонноор кэтэх хаһаайыстыбаларын туһунан дааннайдар (ол эбэтэр кинилэр сирдэрэ, сүөһүлэрэ, сылгылара, техникалара) хаһаайыстыбаннай эрэ кинигэбэ учуоттанар. Билигин электроннай хаһаайыстыбаннай кинигэбэ көһөргө элбэх бырагыраамалар, систиэмэлэр бааллар. Ол гынан, биһирэ тыагыстаах систиэмэнэн Тыа хаһаайыстыбатын министиэристибэтэ нэһилиэк администрацияларыгар RegAgro систиэмэни сүбэлиир. Бу систиэмэ биһир ордук төрүөтэ диин Өрөспүүбүлүкэбэ 2020 сыллаахтан ветеринария

Департамена RegAgro систиэмэни туһанан, сүөһүнү чииптээһини, маркировканы ыьтар, сыыппара учуотугар киллэрэр.

Алтынны 7 күнүгэбэ туругунан, өрөспүүбүлүкэ үрдүнэн уопсай сүөһү ахсааныттан 72 %-на, ол эбэтэр 171 717 т б маркировкаланна уонна чииптэннэ. Бу сүөһүттэн RegAgro систиэмэбэ 168 431 төбө, ол эбэтэр 98 % - электроннай регистрацияны ааста.

Итинэн сибээстээн RegAgro системаба хаһаайыстыбаннай кинигэ киридэбинэ кэтэх хаһаайыстыба даннайдар барыта биһир систиэмэбэ холбонор, сүөһү ахсаанын чопчу сыыппаратыгар бутуур тахсыа суоҕа.

RegAgro систиэмэ сыаната бастакы сылга 11 300 солк. (ол иһигэр 9000 солк. - холбонуута уонна систиэмэ настройката, 2300 солк. - сыллаабы хааччыйыыта). Онтон кэлин сыллаабы хааччыйыыта эрэ төлөнөр - 2300 солк.

RegAgro систиэмэ туһунан бу нүөмүрдэргэ билсин: +7 (914) 050-08-03, +7 (924) 555-87-95 (whatsapp, telegram) эбэтэр бу электроннай почтаба: mav@regagro.ru сүрүгүн (Молчанов Александр Васильевич, бырайыак кураатара).

Предприятие продает следующие объекты по Республике Саха (Якутия):

- п. Депутатский: здание - 626,58 кв.м., гараж - 31,70 кв.м.;
 - г. Мирный: 3 этаж 3-хэтажного здания по Ленина, 5 - 497 кв.м.;
 - г. Нерюнгри: 2-этажное здание с подвалом по Ленина, 3 - 988 кв.м.;
 - п. Серебряный Бор: 2 этаж 2-этажного здания дома 34 - 489 кв.м.;
 - п. Чокурдах: 2 этаж 2-этажного здания по 50 лет СССР д.17 - 238 кв.м.;
 - г. Усть-Нера: Здание по Ленина, 8 - 2 260 кв.м.;
 - с. Теплый Ключ: База по ул. Дружбы, 31 - 6 объектов, 2387 кв.м.;
 - п. Солнечный: Помещение по Строителей, 11 - 39 кв.м.;
- Площади в аренду: Вилюйск, Нерюнгри, Алдан, Мирный, Ленск, Покровск, Тикси, Депутатский, Жиганск, Зырянка, Нюрба, Олекминск, Сангар, Светлый, Сер. Бор.
Контактный телефон: (4112) 40-70-32, 8-924-870-50-39.

ЧЭПЧЭТИИ ЧЭПЧЭТИИ ЧЭПЧЭТИИ

Бүтэһүк чэпчэтиилээх сүрүтүү dekadama

Ахсынны 6-16 күннэригэр

Аадырыска тиэрди **589,92**
 Почтаттан эбэтэр эрдээһийэттэн **563,70₽**

Махтанабын

Коронавируһунан улаханлык бальдан терапияба 21-кэ кирибитим. Эмтии са-таабытара да ханас тыгам аккаастаммыта. Бэргээн туббальыһаба атаарбытара.

Онно 9 хонук сытан сөхтүм - үтүрдүм. Итинник кыахтаах балыһа баара буолуо диин сөхтүм. Дьокуускайга суоҕа чаччы, Арасыйыаба да аһыйах буолуо.

Быраастара олус кыһанар, сизэстэрэлэрэ, санитардара олус амарахтар. Саха кэрэ кыргытара эдэрдэр, бэйэ бэйэлэригэр

көмөлөһөн суукканан үлэлиилэр.

Аппаратураларын сөхтүм: кислороду суукканан мунугар уктан тыһабын, паарынан күнгэ иккитэ тыһабын, Систиэмэ арааһа, массаж.

Муһура суох махталбын бырааска, сизэстэрэлэригэр, санитардарыгар биллэрэбин!

Улуу модун Тангара, Иисус Христос, сырдык Айыы Тыһын алгыһын тиэрдэбин.

Р.П. НИКОЛАЕВА.

РАСПОРЯЖЕНИЕ №2096

от 03 декабря 2021 года

О проведении республиканских юбилейных мероприятий, посвященных 125-летию со дня рождения Степана Васильевича Васильева, 85-летию со дня рождения Варвары Андреевны Петровой

Во исполнение Плана районных и республиканских мероприятий, посвященных 125-летию со дня рождения выдающегося государственного, общественно-политического и профсоюзного деятеля Степана Васильевича Васильева, 85-летию со дня рождения видного политического и общественного деятеля, Почетного гражданина Республики Саха (Якутия), Горного, Момского, Абыйского, Нюрбинского районов Варвары Андреевны Петровой, **распоряжаюсь:**

- Провести республиканские юбилейные мероприятия, посвященные 125-летию со дня рождения Степана Васильевича Васильева, 85-летию со дня рождения Варвары Андреевны Петровой с 15 декабря по 18 декабря 2021 г. в г. Якутске.
- Утвердить следующий состав организационной комиссии по подготовке и проведению республиканских юбилейных мероприятий:
 - Иннокентьев А.М. - глава МР "Нюрбинский район", председатель комиссии;
 - Евсеев С.И. - председатель районного Совета депутатов, сопредседатель (по согласованию);
 - Уларова А.М. - заместитель главы по социальным вопросам, зам. председателя;
 - Члены комиссии:
 - Яковлев А.Я. - первый заместитель главы;
 - Бурнашев Н.И. - заместитель главы по финансам, экономике, инвестициям и проектному управлению;
 - Алексеева О.И. - руководитель Службы управления персоналом;
 - Николаева Л.В. - начальник отдела по работе с территориями;
 - Иванов А.И. - глава МО "Город Нюрба" (по согласованию);
 - Ушканов Л.В. - глава МО "Бордонский район" (по согласованию);
 - Винокуров С.А. - глава МО "Кангаласский наслег" (по согласованию);
 - Николаева М.П. - глава МО "Едейский наслег" (по согласованию);
 - Тихонова Р.М. - начальник МКУ "Департамент культуры" МР "Нюрбинский район";
 - Туманова А.А. - директор МБУ "Музей Дружбы народов им. К.Д. Уткина";
 - Багмет А.В. - руководитель МКУ "МЦБС";
 - Аргунова А.П. - начальник МКУ "Управление образования Нюрбинского района";
 - Неустроев А.М. - начальник МКУ "Управление по молодежной политике" Нюрбинского района;
 - Егоров И.В. - руководитель МКУ "Департамент сельского хозяйства";
 - Михайлова Н.М. - генеральный директор МБУ "Центр поддержки предпринимательства" Нюрбинского района;
 - Игнатьев Г.В. - директор МУП "Нюрбинское АТП";
 - Савинов Р.С. - директор НФ "Нюрба" ГУ НВК "Саха" (по согласованию);
 - Дорофеева Л.К. - директор-редактор районных газет "Нюрба", "Огни Нюрбы" (по согласованию).
- Организационной комиссии разработать и представить на утверждение Главы МР "Нюрбинский район" План республиканских юбилейных мероприятий, посвященных 125-летию со дня рождения Степана Васильевича Васильева, 85-летию со дня рождения Варвары Андреевны Петровой, в срок до 08.12.2021 года.
- Рекомендовать главам муниципальных образований МР "Нюрбинский район" принять активное участие в организации и проведении республиканских юбилейных мероприятий, посвященных 125-летию со дня рождения Степана Васильевича Васильева, 85-летию со дня рождения Варвары Андреевны Петровой.
- Опубликовать настоящее распоряжение в средствах массовой информации.
- Контроль исполнения настоящего распоряжения оставляю за собой.

Глава А.М. ИННОКЕНТЬЕВ.

Надежда Бабкина,
народная артистка России

РоссельхозБанк

5.5 %

Годовых*

ПЕНСИОННЫЙ КРЕДИТ

Без обеспечения, гражданство РФ, возраст от 23 до 75 лет в ключительно на момент возврата кредита. Валюта - рубли РФ, срок 5 лет включительно. Сумма - от 30 тыс. руб. до 3 млн руб. включительно. *5,5% годовых для пенсионеров в первый год действия кредитного договора, далее 10,0% годовых. Указаны ставки по кредиту «Кредит пенсионный плюс» на срок 5 лет включительно, при условии выбора клиентом условий кредитования со страхованием жизни, здоровья, временной нетрудоспособности и добровольного медицинского страхования («Телемедицина») (предложение действует до 01.02.2022). При отказе от договора страхования по указанному набору рисков ставка 16,9% годовых. Реклама. Не является офертой. Информация действительна на 01.12.2021. Подробности по телефону 8 800 100-0-100, на сайте www.rshb.ru и в офисах АО «Россельхозбанк». АО «Россельхозбанк». Генеральная лицензия Банка России № 3349 (бессрочная) от 12.08.2015.

7787 (Билайн, Мегафон, МТС, Теле2)
 8 800 100 0 100
 rshb.ru

Вклады застрахованы

- Кэриэстэбил -

Сүрэхпитигэр өрүү тыыннаах



Сыл-хонук аһара түргэн да эбит. Бу дьыл ахсынны 4 күнүгэр тапталлаах аҕабыт, эйбэс эһэбит, Ньурба улуунун Бочуоттаах олохтообу Иван Никитич БАЯНОВ биһиги кэксэбиттэн туорабыта номуо I сыла буола оҕуста...

звенога улуус, Сойуус күрэхтэниилэригэр кур бастагы чыпчаалга сылдыбыта, үлэҕэ үтө сыһыана үгүстүк бэлиэтэммитэ. Ол курдук "Албан Аат" 3, 2 истиэпэннээх уордьаннарын, "Үлэҕэ килбиэнин иһин" мэҕэлиниэн наҕараадаламмыта...

Эһэбит тугу онорбута барыта уурбут-туппунт курдук буолааччы. Сарсыарда эрдэ үлэтигэр барыан иннинэ тиэрэгин хомууан, дьиэ үлэтин онгору ситиһэр этэ. Ылларбыт олус да сөбөр этилэр хайдах сарсыарда 8 чааска наар тиэрэгэн күрдүллэн, маһа хайытыллан турарыттан...


Иван Никитич Баянов бу орто дойдуга 3 оҕо амарах аҕата, 10 сиэн, 15 хос сиэн эйбэс эһээтэ буолан үһүн дьоллоох олобу дуоһуяа олорон барда диян дуһабытын уоскутуна саныыбыт...

Төрөөбүт буора киниэхэ сымнаҕас тэллэх, суорбан буоллун. Көмүс уңуоҕа сьтар томторугар күн чарыһыйа тыктын, чычычаах ыллаатын, от-мас күөбүнэн силигилини турдун...

Өбөлоро, сиэннэрэ, хос сиэннэрэ.

Таайбыт сырдык кэриэһигэр

(15.03.1932-30.10.2021)



Буор дьэҕэ дьон-норуот ортоугар оҕо саастара үлэҕэ уһууулан ааспыта. Төрөөбүт алааһыттан тэлэйһин дойдутубэр сүрээһэр Москва куоракка зоотехнической институтка ситиһилээхтик үөрэнэн, зоотехник илэтин толору баһылаан төрөөбүт улуугу...

"Бочуот Знага" уордьан кавалера, үлэ, тыыл бэтэрээнэ, Ньурба оройунун Бочуоттаах олохтообу. Петр Васильевич олобун аргыһынаан Розалия Петровнаһыан бил буолан бур-бур буруо таһааран икки оҕону күн сириин көрдөрөн үөрэхтээн үлэһит дьон бэрдэ гынан иппиттирэр...

Таайбыт сырдык аата барыбытыгар сүрэхтэн сүппэт үтө өйдөбүл буолан, үйэ саас тухары хаалыаҕа. Кини олобун олобун, үлэтин-хамнаһын кэлэр кэнчэри ыччатыгар кэрэ кэпсээн өгөстөн кэпсэхпит, өрүү махтанахпыт, ахтыахпыт.

Балта Мария Николаевна Григорьева дьиэ кэргэнэ, сиэн быраата Өгөлдө баһылыга Афанасий Николаевич Инокентьев дьиэ кэргэнэ.

Grid of obituaries for various individuals, including: Юрий Афанасьевич ЕМЕЛЬЯНОВ, ПЕТРОВ Валентин Егорович, МАКСИМОВ Степан Николаевич, Мария Николаевна Григорьева, Светлана Михайловна, and others. Each entry includes their name, dates, and a brief biography.

Генеральной директор Стручкова Н.М. Кылаабынай редактор Дорофеева Л.К.

Хаһыат Саха сирингэр сибээс, информационнай технологиялар уонна маассабай коммуникациялар эйгэлэрин кэтээн көрүү Федеральной сунууспатын Управлениетыгар (Роскомнадзор) 03.06.2020 с. регистрацияланна.

ПИ № ТУ 14-00551

Тэрийэччилэр: Саха Республикатын Правительствота, Саха Республикатын "Сахабэчээт" Государственной автономной тэрилтэтэ. Таһаарааччы: СР "Сахабэчээт" ГАУ

Таһаарааччы аадырыһа: 677000 Дьокуускай к. Орджоникидзе уул. 31. Редакция аадырыһа: 678450 Ньурба к. Ленин уул., 37.

Телефоннара: Редактор-директор - 2-33-32. Компьютернай отдела - 2-33-32.

e-mail: redakcia06@mail.ru. Хаһыат чэпиэрэгэ тахсар.

Индекс: ПИ 988 Тираж 664. Объем 3 п.л. Сьаната - 30 солк. 08.12.2021 с.

